

نور کیا بو بول ملک مجلی

پنجینے ضابطے

آئمش یدنجی اجتماع

مندرجات

خیانت وطنیہ ایله محکوم اشخاص حقنہ عدلیہ انجمنی مضبطہ لری ،
مفتیلرک تقاعد لکدن اسٹنٹالریہ دائر اولان لایحه قانونیہ تک مذاکرہ وقبولی ،
خیانت وطنیہ اوراقتک برای تدقیق محکمہ تمیزہ نوذیع ایلمسنہ دائر اولان قانونک مذاکرہ سی .

برنجی جلسہ

رئیس : رئیس ثانی دوقتور عدنان بک افندی

کاتب نامہ : فائق بک (ادرہ)

۲۷ آگستوس ۳۷ جمہ ابرسی - ۳ - صوکرہ

وطنیہ یہ جرأت ایتمسندن طولانی ایلغینک شیخ وفا
مجلسی مختاری شکور اوغلی خرہ لامبوسک اون بش سنہ
مدتله کورک قونلسنہ دائر ایلغین بدایت محکمہ سنسندن
صادر اولان ۲۴ مایس ۳۳۷ تاریخی اعلام و اوراق
مترعہ سی تدقیق و مطالعہ اولندی .

محکوم علیہ خرہ لامبوسک خانہ سی باغچہ سنہ اُندہ
بومبا اولدینی حالده دولاشدیغنی واحتنا ایچون وضعیت
آلدیغنی کورز و حکومتہ اخبار کیفیت ایدن حسن چاوشک
انطالیہ کیتدیکی جلینامہ سی زیرندہ کی مشروح ائدن
آکلاشیلدینی و مرقومک علی طریق استنابہ افادہ سنک
ضبطی قابل اولدینی حالده جلب واحضارندہ تعمرات
کو ولدیکنسندن بمثلہ جلیبندن صرف نظر ایدلسی اصول و قانونہ

رئیس — اقدام جلسہ سی آچوروم . ضبط سابق
اوقونہ حق . (فائق بک ضبط سابق اوقودی)
وہی بک (قرہ سی) — تبریک تلغراف لری ایچون ؛
ملحقاتدن دیبور . . تعمیر کرچہ دوزرودر . فقط
اصطلاحیہ ، شیوہ جہ یا کلاشدر . . . ولایاتدن دنیاسہ . . .
رئیس — اوصورتله تصحیح ایدرز . ضبط سابق
قبول اولوندی .

رئیس — خیانت وطنیہ ایله محکوم شکور اوغلی
خرہ لامبوس حقنہ کی عدلیہ انجمنی مضبطہ سی وار .

عدلیہ انجمنی مضبطہ سی

نومرو : ۸۱

خانہ سی باغچہ سنہ بومبا بولنق صورتیله خیانت

مغایر اولدیغندن حکم مذکورک رفیقله نقصان مذکورک
اکمالی و یکیدن محکمه اجراسیله تبیین ایدمجهک حاله کوره
معامله ایضاً ضمیمه اوراقلک محله اعاده سی تنسیب
اولنهرق تصدیق هیئت عمومییه تکلیف اولنور .

۶ تموز ۳۳۷

رئیس — اوراق حکمییه بی او قومغه لزوم وارمی
افندم؟ (خایرخایر صدالری) او حالده افندم عدلیه انجمنی
مضبطنه سی قبول بیورانلر لطفاً ال قالدیرسونلر . (قبول
ایدلمشدر افندم)

خیانت وطنیه ایله محکوم ایلغینلی دلی احمد اوغلی احمد
حقنده کی عدلیه انجمنی مضبطنه سی او قونوجق :

عدلیه انجمنی مضبطنه سی

نومرو : ۷۵

ایلغین قضا سنک پالقی قریه سنندن دلی احمد اوغلی
احمدک خیانت وطنیه دن دولایی اون بش سنه مدته کورکه
قونلسنه دائر قونیه بدایت محکمه سنندن صادر اولان
۴ نیسان ۳۳۷ تاریخی ۲۰۰ نومرولی اعلام واوراق
متفرعه سی انجمنزجه تدقیق و مطالعه اولوندی .

حکم مذکور اصول و قانونه موافق و اسباب موجبیه
سنند اولغله تصدیقی انفاقله تنسیب اولنهرق هیئت
عمومییه تودیع قنور .

۶ تموز ۳۳۷

بهجت بک (کنغری) — فقره حکمییه ده او قویالم
افندم .

ایجاب کیفیت خفياً لدى المذاکره [مظنون علممدن
ابراهیم ایله حازمک ایلغین حادثه عصیانیه سنه اشتراکله
اصلاً و یا فرعاً خیانت وطنیه ده بولندقلرینه دائر تأمین
قناعت ایدمجهک دلیل و خبر موجود اولمدیغندن مرقومانک
برائتینه و سبب آخردن دولایی موقوف دکالرسه
هان تخلیه لرینه و دیگر مظنون دلی احمدک چکلدن کلن
عصاته اشتراکله مسلحاً ایلغینی باصانلر میاننده بولندی
واو ائشاده مشتکیلردن حاجی بک یوز اللی ایرا قیمتده ایکی
و مصطفی نک ایلی یوز لیرا قیمتده اوچ رأس قیصر اقلرینی
وایلغینده اسماعیل افندینک سلاح و آت و ساژه سی اخذ
و غصب ایلدیکی کندوسنک تحقیقات ابتداییه ده کی مؤل

و قراری و شاهدلرک رؤیته سنند علی الدرجات شهاداتی
و اسماعیل افندینک سلاحی اعاده ایتسیله ثابت اولمش
و مرقومک عصیانه رأساً ابتدار ایدنلردن اولمایوب چکل
کوبندن کلان عصانه مسلحاً و بالاختیار تشرکله حرکتی
خیانت وطنیه ده فرعاً مدخلدار بولنمقدن عبارت کورولمش

اولدیغندن اولوجهله فعل مذکورک فاعلی اولمق اوزره بحر میتنه
و خیانت وطنیه قانوننک ایکنجی ماده سی ایله قانون جزانک
قرق بشنجی ماده سنه توفیقاً و بدایت توقیفی اولان ۴ شباط
۳۳۷ تاریخندن اعتباراً ایلغینده دیگر حاصیلر ایله برابر
قوای حکومته قارشو سلاح استعمال ایتدیکی دخی خبر
برلمسنه و جبر و شدتله متعدد اخذ و غصب افمانته اشتراک
ایتسنه نظراً اون بش سنه مدته کورکه قونلسنه و مشتکی
حاجی بک یوز اللی و مصطفی نک ایکیوز قرق لیراقیه راق
بدلنک کندیسندن آنوب مشتکیلره اعطاسنه و دیگر
مشتکی اسماعیل حق افندی محکمه یه کلوب ضایعاتنک
مقدار و قیمتنی تعیین و اسباب ثبوتیه و دلائلی بیان ایتدیکنندن
مومی الیهک او خصوصده محکمه طأده سنه مراجعتده
مختاریته و یوز یکریمی غمروش مصارف محاکمه نکه ده
کندیسندن تخصیصنه متفقاً و جاهاً قرار وریلهرک مدعی
عمومی و مرقومون موجود اولدقلری حالده متن قانون
جانب ریاستدن بالقراءه اصول تفهیم علناً اجرا قلندی .

۴ نیسان ۳۳۷

رئیس — سوز ایسته یین وارمی افندم؟ (یوق
صدالری) مضبطنه یی رأی عالیکره وضع ایدیورم .
عدلیه انجمنی مضبطنه سی قبول بیورانلر لطفاً ال قالدیرسون .
(قبول ایدلمشدر افندم)

رئیس — لوانطه نک اوغلی عمر ایله رفیقی حقنده کی
عدلیه انجمنی مضبطنه سی او قویوروز :

عدلیه انجمنی مضبطنه سی

نومرو : ۹۱

خیانت وطنیه دن طولایی اسکیل قریه سنندن لوانطه نک
اوغلی عمرک اوچ سنه کورکه قونلسنه، صاری صفال
مصطفی نک برائته دائر آقسرائ بدایت محکمه سنندن
صادر اولان ۳۰ مایس ۳۷ تاریخی ۱۹ نومرولی اعلام

و اوراق متفرعہ سی انجمنز جہ حکم جنائیدن دولای تدقیق و مطالعہ و ایجابی مذاکرہ اولوندی .

مرقوم عمرك رفقاسی حقنندہ و جاہاً ویریلن حکم مقدا تصدیق قلمش و عمر حقنندہ او زمان غیاباً محاکمہ جریان ایتش اولسنہ بناءً اوراق اساسیہ نك اشبو اوراق ایله توحید اولدقدن صکرہ تدقیقات و تحقیقات لازمه قانونیہ اجراسی اقتضا ایدرکن اشبو اصولہ رعایت ایدلدیکی کبی سلاحی آندینی و اسیر و حبس اولدینی ادعا اولنان ژاندارمہ نفری ایله برای تحصیلات اسکیل قریسنہ و قرای مجاورہیہ مأموراً اعزام قلمش اولان مفق ابراہیم اقدینکدہ استماع ایدلدکری آ کلاشلمش و شو صورتله حکم مذکورک نقصانی تحقیقاتہ مستند بولنش اولدیفندز، اکیال نواقصی ضمنندہ محلنہ اطادہ سی لازم کلیورسہدہ تدقیق و نتیجہیہ کورہ معاملہ ایفائی ہیئت عمومیہ تکلیف اولنور . ۱۱ تموز ۳۷

رئیس — افندم سوز ایستین واری؟ (خایر صدالری) عدلیہ انجمنک مضبطہ سنی قبول بیورائلر لطفاً الارینی قالدیرسون . (مضبطلہ قبول ایدلدشدر) رئیس — آنتی اوغلی پاوی حقنندہ عدلیہ انجمنی مضبطہ سی وار :

(عدلیہ انجمنی مضبطہ سی)

نومرو : ۵۷

خیانت و وطنہ دن دولای مظلون علیہ اولان بنیانک یکیکجہ روم محله سندن آنتی اوغلی پاولینک بش سنہ مدتلہ کورکہ قونلسنہ رمرقومدن رشوت طاب ایتدکری ادعا اولنان شکری افندی و رفیق لرینک برائت لرینہ دائر بنیان بدایت محکمہ سندن صادر اولان ۳ نیسان ۳۳۷ تاریخی ۱۹ نومرولی اعلام و اوراق متفرعہ سی انجمنتمزہ تودیع قلمقلہ حکم جنائیدن دولای تدقیقات لازمه اجرا و ایجابی مذاکرہ اولندی .

شہود مستمعہ دن قیصری ژاندارمہ طاہوری یازمچیلرندن حتی بن شکرینک افادہ سندنہ اسمی کچن رمزینک مدعی عمومی طرفندن دعوی شہاددی اوله رق جللی طلب ایدلدیکی حالہ مقدا استماع اولمش اولدیفندن بمثلہ

تکرار جلبنہ محل اولمادیغنه قرار ویرلمش جانبوکہ مرقوم رمزی مظلون علیہ طرفندن مدافعتہ درمیان و اولوجهلہ اشتہاد ایدلمش و دعوی حقنندہ کنڈیسندن هیچ برشی صور و لاملش اولقلہ مرقومک تکرار جللیہ استکنہ مادہ اولنماسی خلاف اصول اولقلہ برابر اتصائلندہ کی تزی اونیفوسک جلب و استماع اولناملری و مظلون علیہ اسناد اولنان خیانت و وطنہ جرمی قولی اولوب موقت برآندہ تفوہ ایدیلہ جکنہ و ایتکرار ایدیلہ جکی احتمالہ قارشو آرو آرو زمانلر دہ متعدد مکاتیردن جلب ایدیلن و شاهد صفتیلہ محکمہ جہ استماع قلنان کسانک عین سوزلری ایشتمہ لرینک قابل اولوب اولمادیغنک تدقیق و حاصل اوله جق مباینک مواجہہ حال و نتیجہ حاصلہ یہ کورہ شہادتک حکمہ درجہ تأثیرینک تقدیری لازم کلیورکن بوجهتلر دہ عطف نظر اولنماسی یولسز و منایر قانون اولقلہ تصدیقہ امکان قانونی بولنیان حکم واقعک رفع و نواقص مذکورہ نک اکمالیلہ یکیدن حکمہ ربطلی ایچون اوراق دعوانک محلنہ اطادہ سی اتفاقلہ تنسیب اولنہ رق تصدیق ہیئت عمومیہ تکلیف اولونور .

۲۳ مایس ۳۳۷

رئیس — سوز ایستین واری؟ (موافق صدالری) افندم انجمنک مضبطہ سنی قبول بیورائلر الارینی قالدیرسون (قبول ایدلدشدر)

رئیس — ایاقینلی مولود حقنندہ عدلیہ انجمنی مضبطہ سی وار : عدلیہ انجمنی مضبطہ سی

ایاقین قضاسنک چکل سفلی قریہ سندن چولاق حاجی نام دیکر مولودک خیانت و وطنہ مادہ سندن دولای اون بش سنہ مدتلہ کورکہ قونلسنہ دائر قضاء مذکور بدایت محکمہ سندن صادر اولان ۱۱ حیزران ۳۳۷ تاریخی ۶۰ نومرولی اعلام و اوراق متفرعہ سی تدقیق و مطالعہ اولندی حکم مذکور اصول و قانونہ موافق و اسباب موجبہ یہ مستند اولقلہ تصدیق تنسیب اولنہ رق ہیئت عمومیہ یہ تودیع قلنور . ۶ تموز ۳۳۷

بہجت بک (کنغری) — فقرہ حکمیہ یہ دہ او قویہ لم افندم .

فقرة حکمیہ

ایجاب کیفیت لدى المذاکره : چکیل وقرای سائرہ
 عصیانی میاننده ایلفینه مواصلت ایدن چکیل سفلی قریه سندن
 جولاق طرطر حاجی نام دیکری آرتق عمر اوغلی مولود
 حقنده اجرا قلنان محاکمه نتیجه سنده مظنون علیه موجود
 عصابه برابر ایلفینه ایندکارنده آشی مأموری یوسف ضیا
 افندی خانه سنه کیره رک بر طاقم اشکنجه ایله دیوارده
 معاق بولنان پالطوسی اخذوغصب ایستدیکنی اخیراً حکومه
 کلرک رفقای سائرہ سیله برابر حبس خانه غاردیانی احمد
 افندی حبس خانه آناختارینی آلهرق محبوسینی تخلیه
 ایستدیکنی و بو خصوصی عصیانیه دن دولای اعدام اولنان
 ایلفینی طاکف خواجه و قونیه لی صدرالدین افندیکنک
 معتلرنده برابر اولهرق مسلحاً کیردیکنی و طاقیه لیکنک
 خانه سنده ظهور ایدن اشیا دن متولد عمر بده نک طرفارندن
 تسکین ایدلدیکنی و شو حاله نظراً مظنون مرتومک حقنده
 استناد اولنان بخایمه جرائی مقام شهادتده استماع اولنان
 شهودک شهادتی و کندوسنک مؤل اقراریه ثابت اولدیغندن
 حرکته تماس ایدن قانون جزانک قرق بشتیجی ماده سی دلالتیه
 اخانت و وطنیه قانوننک ایکنیجی ماده سنک ایکنیجی فقره سی
 موجبنجه بدایت توقیفی اولان ۲۱ نیشان ۳۳۷ تاریخندن
 اعتباراً اون بش سنه مدته حبسنه و مسروق پالطو بدلیله
 جیننده بولنان اللی لیرا حقنده مدعینک طائد اولدینی
 محاکمه مراجعتده مختاریته واحمد چاروشک دخی برائتیه
 واوراق مرکز مدعی عمومیاکی مأموریت علیه سنه لزوم
 ارساله ۱۷ مایس ۳۷ تاریخنده و جاهاً و متفقاً قرار
 ویریلرک علی الاصول طرف ریاستدن تفهیم قلندی .

۱۷ مایس ۳۷

راسم بک (العزیز) — اون بش سنه حبس جزاسی
 اولماز . کورک جزاسیدر افندم ...
 رفیق شوکت بک (صاروخان) — حکمده حبس
 تعمیری وار، کورک اولسی لازم کلیر . مضبطه نک اوصورتله
 تصحیحی لازم ... ذاتاً عدلیه انجمنی ده مضبطه ده تصحیحات
 یامشدر . او صورتله تصحیح بیورولسون .
 رئیس — افندم مضبطه یی رأی عالیکزه وضع

ایندیورم قبول بیورانلر لطفاً آل قالدیرسون . (قبول
 ایلمشدر افندم)

رئیس — سوکه رژی مأموری مظهر بکله رفقای
 حقنده عدلیه انجمنی مضبطه سی وار :
 عدلیه انجمنی مضبطه سی

نومرو : ۶۴

خیانت و وطنیه جرمندن دولای مظنون علیهما اولان
 سوکه رژی مأموری مظهر بکله یوران رژی مأموری
 استاورینک اعداملرینه دایر سوکه بدایت جزا محکمه سندن
 صادر اولان ۱۵ مارت ۳۷ تاریخلی ۵۶ نومرولی اعلام
 غیابی واوراق متفرعه سی مدعی عمومیاکک استدعای
 ایله معاً انجمنزه تودیع قلمقله تدقیق و مطالعه اولندی .
 خیانت و وطنیه قانونیه توفیقاً غیاباً اعطا اولنان مقررات
 قطعی اولوب مظنون علیهمک در دستلرنده و جاهاً تکریر
 محاکمه ایدیه چکنه نظراً موضوع بحث اولان استدعاسنک
 ردی و احکام قانونیه دائره سندن ایفای معامله اولنق
 اوزره واوراق محاکمه اعاده سی اکثریتله تنسیب اولهرق
 تصدیقی هیئت عمومییه تکلیف اولتور .

۲۹ حزیران ۳۳۷

رئیس — افندم مضبطه یی رأی عالیکزه وضع
 ایده حکم . موافق کورنلر لطفاً آل قالدیرسون . (موافق
 کورولمشدر افندم) .

رئیس — موسی بک اوغلی رمضان حقنده عدلیه
 انجمنی مضبطه سی وار :

عدلیه انجمنی مضبطه سی

نومرو : ۷۳

خیانت و وطنیه ماده سندن طولای لادک قریه لی موسی
 بک اوغلی رمضانک اوچ سنه مدته کورک قونلسنه دایر
 سعید ایلی بدایت محکمه سندن صادر اولان ۹ مایس ۳۷
 تاریخلی اعلام واوراق متفرعه سی تدقیق و مطالعه اولندی .
 اوراق میاننده موجود ۶ نیشان ۳۷ تاریخلی شعبه
 ریاستنک تذکره جوانیه سنده اسمی محرر حکومت طیبی
 عاطف افندیکنک ده شاهد صفیه جلبی و تحقیقاتک توسیعی
 لازم کلیر رکن موسی ایله جلب و استماع قانامش و حکم

مرکز حکومت طبیبی ولایات باقریولوئی
 طلعت حبس خانہ طبیبی
 ذکائی معمر
 بہجت بک (کنگری) — نہ وقت موقوف
 ایدلشدر عجا؟ ..

رئیس — ۳۳۵ دم افندم ...
 (موافق موافق صدری)
 — از حالہ افندم مادہ بی رأیکرہ قویہ جفم ..
 (رنجی مادہ تکرار اوقوندی)
 — مادہ بی قبول ایدنر اللرینی قائدیرسونر . (قبول
 ایدلشدر افندم)

(ایکنجی مادہ تکرار اوقوندی)
 — ایکنجی مادہ بی قبول ایدنر اللرینی قائدیرسونر .
 (قبول ایدلشدر افندم)
 — افندم قانونک تکلیفندہ مستعجلیت تکلیف
 ایدلہ مش ..

(مستعجلیتہ مستعجلیتہ صدری)
 — مستعجلیت قبول بیورانر اللرینی قائدیرسون .
 (قبول ایدلشدر) اوحالہ قانونک ہیئت عمومہ سنی
 قبول ایدنر ال قائدیرسون . (قبول ایدلشدر افندم)
 زعفرانبولی عصیانندہ فرطاً ذممدخل اشخاصک
 عفوی حقندہ قرارنامہ وار . ہونی وقتیلہ ہیئت وکیلہ
 قرارنامہ شکنندہ پامش وارشکلہ کوندر مشدر .
 شکری بک (قرہ حصار صاحب) — انجمنہ کیتمش
 افندم؟

رئیس — افندم! انجمنہ کیتمش واورادن چیقہ مشدر .
 توفیق افندی (کنگری) — عفوک حکمی اجرا
 اولوندی ظن ایدرم تأخر ایتمہ لیدر .
 رئیس — اوحالہ اوقویالم افندم تأخر ایتمہ سون .
 قرار نامہ صورتی

مقدما بولیدہ ظہور ایدن عصیانک زعفرانبولی بہدہ
 سرائی اوزرینہ ادارہ عرفیہ اعلان ایدیلہرک قول اردو
 قوماندانلغٹک امریلہ زعفرانبولیدہ تشکیل اولنان رفقط

واقع شو اعتبارلہ نقصان تحقیقانہ مستند بولمیش اولدیغدن
 حکم مذکورک رفی و بو دائرہدہ یکیدن بالمحاکمہ نقصانک
 اکلندن صکرہ حکمہ ربطی ایچون اوراقت سعید ایلی
 محکمہ سنہ اعادہ سی تفسیب اولنہرق تصدیق ہیئت عمومہ بہ
 تکلیف اونور . ۶ موز ۳۷

رئیس — سوزایستہ بن رارم افندم؟ (خایر صدری)
 عدلیہ انجمنی مضبطہ سنی قبول بیورانر لطفآل قالا برسونر
 (قبول ایدلشدر) .
 — بودور اوغلی احمدک بقیہ مدت جزایہ سنک
 عفوی حقندہ بر لایحہ قانونیہ وار : اونی اوقویالم افندم .
 لایحہ قانونیہ صورتی

مادہ ۱ — قتل مادہ سندن طولانی اون بش سنہ
 محکوم وقسطونی حبس خانہ سندن محبوس بولنان بودور
 اوغلی احمدک تحقق ایدن معلولیت شیخوختنہ مبنی مدت
 بقیہ محکومیتی عفو ایدلشدر .
 مادہ ۲ — اشبو قانونک اجرا سنہ داخلہ وعدلیہ
 وکیللری مأموردر .

(طیب راپورینی دہ اوقویالم صدری)
 رئیس — بکی افندم!

طیب راپوری
 ۱۰ کانون ثانی ۳۳۷ تاریخی صحیہ مدیریتدن محول
 اوراق اوزرینہ ہیئت مزجہ معاینہ سی طلب ایدیلن قسطمونی
 حبس خانہ سندن محکوم آراج قضاسنک کل قرہ سندن بدور
 اوغلی احمدک اجرا قلنان معاینہ سندن سنک تخمیناً یتمش
 بش ، سکسانی متجاوز اولدینی ومقتضای شیخوخت
 انحنای عمود فقری وقتق کبیر مضاعف وتصلب شرابین
 ایلہ مترافق سادشینی کبی علل و امراضلہ معلول و انحطاط
 قوای عمومیہ بدنہ سی دہ آروجه مشہود اولدینی جہتلہ
 عمر طبیعی سنی اکمال ایلک اوزدہ بولنان مرقومک
 مازالعرض اشبو خستہ لقرینک غیر قابل تداوی واصلاح
 اولدینی مبین اشبو ہیئت صحیہ راپوری بانتظیم تقدیم
 قلندی . ۲۰ کانون ثانی ۳۳۷

خستہ خانہ اوپراتوری خستہ خانہ سرطیبی
 جمیل شریف محمدشکری

اعلانی ایله قابل حلد . بوصولته عفولری جائز دکلدرد .
 بوندن باشقه نظر دقتی جلب ایدم جک بر نقطه
 داهوار درد . زعفرانبولیده غیر قانونی اوله رق تشکیل ایدن
 دیوان حربک ویردیگی حکملردن دولایی احتمال اعدام
 ایدیلن و باشقه صورتله تجزیه ایدیلن آدملرده واردرد .
 خلاف قانون آخری تجزیه ایدنلر کده تجزیه ایدلمسی لازمدر .
 بودیوان حربی کیم تشکیل ایتمش ، نهدن غیر قانونی بر دیوان
 حربک بویه خلاف قانون جزا ویرمسنه محل راقلمشدر .
 بومسئلهده آریججه تدقیق ایدلمیدر . و بومضبطهده صرف
 او محله او محیطه کوره بر عفو اعلانی لازمکلیر . باشقه
 درلو عفولری قابل دکلدرد . بتم نقطه نظرم بودر .

محمدشکری بک (قره حصار صاحب) — نافذ بک
 سویدلکاری قانون نقطه نظرندن واردرد . باقلم عدلیه
 انجمنی نه دییور . عدلیه انجمنی قبول ایتشمی ایتمه مشمی
 اونی اکلایهلم .

عدلیه انجمنی مضبطه سی

زعفرانبولی عصیاننده ذی مدخل اولان اشخاصک
 عفوی حقنده کی هیئت وکیلنک ۱۵ کانون اول ۳۳۶
 تاریخلی قرار نامه سی تدقیق ومطالعه اولندی .
 قرار نامه مذکور مندرجاتی انجمنه مزجهده موافق
 کورلمکله عیناً قبولی اتفاقله تنسیب اولنهرق تصدیقی هیئت
 عمومییه تکلیف اولتور . ۲۵ شباط ۳۳۷

اعضا	مضبطة محرری نامه کاتب	رئیس
قیرشهر	سیزوب	اسکیشهر
مفید	محمد شوکت	عبدالله عزمی
اعضا	اعضا	اعضا
کنگری	یوزفاد	ارضروم
نشأت	رضا	حسین عونی

علی سروری افندی (قره حصار) — مجلسدن
 قرار نامه چیقماز اقدام بونی قانون شکننده تثبیت ایتک
 لازمکلیر .

رئیس — بونی انجمن یاپمامش هیئت وکیلدن بو
 شکله کلیور ایسترسه کز تکرار عدلیه انجمنه حواله
 ایدم ، اوراده بونی قانون شکننه قویسونلر و نافذ بک

تصدیق مأمور بتلری اجرا ایدلوب مقرراتی قسطه ونی
 ولابتجه انفاذ ایدلمسی حسبیله حق قضایی اولماق لازم
 کان دیوان حرب عرفیجه مختلف جزالره محکوم ایدیلان
 اشخاصدن استانبوله و داخل مملکتته فرار ایتمش اولان
 اشخاصدن ماعدا اون بش سنه کورکه محکوم زعفرانبولی
 پوسته وتلغراف مدیر سابقی صبری و اون سنه یه محکوم
 یوسف ضیا ایله جزای نقیه محکوم آق طاش مدیر سابقی
 حسین عونی وزراعت باقیه سی مأمور سابقی علی واورمان
 معاملات مأمور سابقی فکری افندیلرک و مختلف جزالره
 محکوم زاندارمه افرادینک عفو وتخلیه لری موافق معدلت
 اوله جفی قسطه ونی و حوالیسی قوماندانلغک اشعارینه
 عطفاً مدافعه ملیه وکالتندن بیلدیرلیدی . داخلیه وکالتنک
 ۲۷ تشرین ثانی ۳۳۶ تاریخ و ۷۷۰۷ و ۲۲۴۸ نومرولی
 تذکره سنده کورستلمسنه و بولی حادثه سنده مدخلدار اولانلرک
 عفو ایدلمش و زعفرانبولی عصیانی بولی حادثه سنک نتیجه طبیعی سی
 بولتمش اولسنه کوره بالاده محررالاسامی محکومینک
 مذکور عصیاننده فرعاً ذیمدخل اولمالری حسبیله مر قوملرک
 دخی عصیاننده اصلاً مدخلدار اولانلره قیاساً عفو واطلاقی
 وکیفیتک بویوک ملت مجللی ریاست جلیله سنه عرضی
 هیئت وکیلنک ۱۵ - ۱۲ - ۳۳۶ تاریخنده کی اجتماعنده
 تقرر ایتمشدر . ۱۵ کانون اول ۳۳۶

نافذ بک (جانیک) — اقدام عفو ایدیله بیلماک
 ایچون اورطهده بر محکومیت مشروعه بولونمق لازمکلیر
 او قونان مضبطه مندرجاته نظر آ زعفرانبولیده تشکیل
 ایدیلن دیوان حرب اصول و قانونه توفیقاً تصدیقه اقتران
 ایتدیگی و بناء علیه حق قضایی اولمدینی آکلاشلمقنده در .
 مضبطه دییورکه حق قضایی اولمایان مذکور دیوان حربک
 ویردیگی حکم سارله محکوم اولان فلان و فلان آدملرک
 عفونی تکلیف ایدم . بنده کز بونده منطق کور میورم .
 اساساً حق قضایی اولمایان دیوان حربک ویردیگی حکملر
 کاین لم بکن در . بناء علیه بوراده عفو ایدیله جک برشی یوقدر .
 قالیر ایکنجه بر مسئله ، فاعل اصلیار عفو ایدلدکن صکره
 فرعاً ذیمدخل اولانلرک عفوی مسئله سیدر — که بوده
 بولی ، عصیاننده مدخلدار اولانلر ایچون بر عفو عمومی

ماده ۲ - بوجهله معلولیتلری فنا ثابت ولدی الاقتضا معزول اولان مفتیلر حقنده ملکیه تقاعد و معزولیت قانونی موجبجه معامله اولنور .

ماده ۳ - اشبو قانون تاریخ نشرید معتبردر .
ماده ۴ - اشبو قانونک اجرای احکامنه امور شرعیه و مالیه و کالگری مأورددر .

شرعیه انجمنی مضبطه سی

مفتیلرک وظیفه افتائی ایفایه مقتدر اولیه جق قادر علیل و مریض اولدقاری بالمانینه فنا ثابت اولمدقجه کندیلرینک آلتش بش یاشنی اکیال ایلمش اولسه لر دخی معامله تقاعده دن استثنالرینه دائر کنگری معونی حاجی توفیق افندی ایله رفقا سنک اشبو تکلیف قانونیلری واسباب موجب لایحه سی انجمن مزجه مطالعه قلندی . معلوم اولدینی وجهله دوعریدن طوغری علمای محایه آراسنده جماعات محایه نیک انتخابیه یا خود علمای محایه بولنمیان یرلرده حواله حقوق طریقیه امور شرعیه و کالنججه تعیین بیورلمقده اولان مفتیلر ، علی الاطلاق صلاحیتلری حقوقاً افعال قضایه و اداریه و عملیات مایه ایله اشتغالدن عبارت اوله رق توصیف ایملن مأمورین عددانده اولمایوب اصلاً صفت تمثیلی حائز و اصطلاح شرعیده دخی (مأمور) توصیفنک عکسنه اوله رق (افتا ایله مأذون) وصف شاذیله معرف اولدقارینه و واقعا مفتیلر دولتجه مخصصات معینه ایله مؤظف ایسه لرده مسائل حیاتیه مزدن اولان جماعات اسلامیه تشکیلاتی نقطه سندن دخی اهمیت مخصوصه ایله نظر دقته آلتیق اقتضا ایلرکه ، هر یرده تشکیلات اسلامیه جز ولرینک جهت جامعه و رئیس طبیعی سی مفتیلر اولمق لازم کلوب بو مقصدلرینک صورت مکمله ده تاسیسیه کندیلرینک تشکیلات مبروره داخلنده اقدارلری زمان مسعودینه قادر دولتجه مخصصات ایله توظیف بیورلمش اولملری وضعیت حقیقه تمثیله لرینه ابراث خلل ایده میه جکی کبی مجلس محلیه ده کی صفتلری ده وضعیت تمثیله لرینک بر نتیجه ضروریه سی اولدینی مستغنی بیان وبالخاصه علم ایله اشتغال ایدنلرک تکریم و کماله و مادام الحیاة تکامله تودیلری ینه

مطالعه نظر اعتباره آسونلر . عدایه انجمنه اعاده سی قبول ایذن اطقاً آل قالدیرسون . (قبول ایلمشدر)
مفتیلرک تقاعدلرکدن استثنالرینه دائر بر تکلیف قانونی و ر اونی مذاکره ایدم .
ریاست جلیله یه

ملکیه تقاعد قانوننک برنجی ماده سیله امر تقاعددن خارج عد ایملن مأمورین حقنده کی (و اهالی انتخابیه تعیین اولنمایان) جمله سنک تفسیری متضمن اقدبجه شورای دولت هیئت عمومیه سنجه اتخاذ ایملن قراری متضمن مضبطه مفتیلرک انتخاب اهالی ایله مأموریتلری اجرا بیورلمقده اولدیغندن کندیلرینک خزینهدن تخصیصات ایله توظیف ایلمکده اولسه لر دخی قانون مذکورک جریان احکامندن خارج عد ایملری طبیعی بولدیقی بیان و ماده مذکوره و صورتیه ایضاح و تفسیر قلمش ایدی . فی الحقیقه قانونک بوجهله تفسیری اولسه دخی وظیفه عالیه افتا محضا بر مسلک جلیل علم اولمق اعتباریه مفتیلرک ایفای وظائف مأموریتیه مقتدر اوله میه جق درجه ده علیل و مریض اولدقاری فنا ثابت اولمدقجه تمدید سن و خدمته اجرای تقاعدلری متناسب اولمایوب مملکتتمزک جماعت اسلامیه حیاتنده جهت جامعه اولان رفقایله بو خصیصه دها زیاده اهمیت و قوت اضافه سی الزم بولنان مقام افتاده مساعیسنک دوام و تمادیسیه فضائلک از یادی یوزندن دهاز زیاده مفید عنصرلر حالنده بین الجماعه شرف و تقوذرلینه خادم اولمق اوزره مفتیلرک تقاعد معامله سندن استثنالری حقنده مربوط تکلیف قانونی بی عرض ایلرز .

کنگری آقره کنگری
سید مصطفی توفیق
قره حصار صاحب
اسماعیل شکری

مفتیلرک تقاعددن استثناسی حقنده قانون
ماده - علی العموم قضاء و ولایات مفتیلری ایفای افتایه مقتدر اوله میه جق درجه ده علیل و مریض اولدقاری ثابت اولمدقجه و یا خود آرزوی ذاتیلرله تقاعدلرینی طلب ایلمدقجه معامله تقاعده دن مستثنادر .

ماده ۱ - علی العموم قضا و ولایات مفتیاری افتایه مقتدر اولامایه حق درجه سه علیل و مریض اولدقلری ثابت اولمادقچه و یاخود آرزوی ذاتیلریله تقاعدلرینی طلب ایتمدکجه معامله تقاعدینه دن مستثنادر .

برمبعوث بك - لوا کله سنک علاوه سنی رجایدردم .
بهجت بك (کنگری) - ولایت و قضا کله لرینک قالدیرلسیله ماده تصحیح ایدلمش اولور . علی العموم مفتیاری دیناملیدر .

علی سروری افندی (قره حصار شرقی) - بویله دینلریسه آلائی مفتیلرینه ده شامل اولورومی ؟ لایحیی تکلیف ایدن آلائی مفتیلرینی نظر اعتباره آلامش صکره ده برمحذور تولد ایتمسون .

وهی بك (قره سی) - مفتی دینجه قضا ، لوا مفتیلریله بعض ناحیه لرده بولونانی مقیاره شاملدر . آلائی مقیسنه . ائما آلائی مفتیسی دینیر . اولئر مفتیلره داخل دکلدیر . بومسئله نسبطه کچکدکن صوکره دها زیاده توضیح ایدر .

رئیس - بر تکلیف وار قضا و ولایت تعبیراتی قالدیررسق عمومی اولور دیورلر . بعض ارقداشارده اعتراض ایدیورده وهی بك بوکاجواب وردی . وضبطه کچرسه بو صورتله تفسیر ایدیلریدیله . قضا ولوا کله لرینک ماده دن طینی قبول ایدیورمیسکز ؟ (های های سسلری) ماده نی تصحیحاً قبول ایدنر لطفاً القالدیرسون . (تصحیحاً قبول ایدلمشدر .)

هاشم بك (چوروم) - اولئرک معذوتی کیم تعیین ایده جک .

بصری بك (قره سی) - (ایفای افتا) دینلمه ملیدره یالکز (افتا) کافی . . .

علی سروری افندی (قره حصار شرقی) - رئیس بك ؛ فئا کله سنک علاوه سنی لازمکایر . (طوغری طوغری سسلری)

رئیس - کله نك علاوه سنی قبول ایدنر لطفاً ال قالدیرسون . (قبول ایدلمشدر) بشقه سوز ایسته ن وارمی اقدام ؟ شوخالده بشقه سوز ایسته ن بوق .

علمک و علم جلیل دینک شعار مخصوصه سی جمله سندن اولوب بوتون دنیاده علمه وقف حیات ایدنلرک عزل و تقاعد تقییدنن استثنارینه دائر حقوق مخصوصه موضوع ومرعی ایدوک آزاده اتیان بولندیغنه مبنی تکلیف مذکور مع الشکران تصویب دیالکز برنجی ماده سی « فئا ثابت اولدقچه » جمله سندن صکره برده « یاخود آرزوی ذاتیلریله تقاعدلرینی طلب ایلمدکجه » جمله سنک ده قید و علاوه سنی صورتیله تعدیل قابلمش اولمقه حواله موجبنجه قوانین مالیه انجمنه تودیع اولور . ۲۷ حیزران ۱۳۳۷

کاتب	مضبطة محرری نامه	علمیه انجمنی رئیس
ثابت	ثابت	فهمی
اعضا	اعضا	اعضا
عاطف	عبدغفور	حسین حسنی
	اعضا	اعضا
	توفیق	سعد
		صالح

قوانین مالیه انجمنی مضبطه سی
بالعموم مفتیلرک ایفای وظائف افتایه متدیر اوله میه حق درجه ده علیل و مریض اولدقلری فئاً ثابت اولمادقچه تقاعده سوق ایدلمه ملری حقنده کنگری مبعوثی توفیق بك ورفقاسنک هیئت عمومی دن محول تکلیف قانونیسی ولایحه وشرعیه انجمنلری مضابطی انجمنمزده قرأت و تدقیق اولندی . تکلیف مذکورک قوانین مالیه انجمنه جهت تعلق کوریه مدیکندن ریاست جلیله یه تقدیمی قرار کیر اولدی .

اعضا	انجمن رئیس
آنصالیه	ارضروم
علی وفا	حسین عونی
ایچایل	کوتاهیه
حیدر لطفی	جلیل
	عصمت
	قیصری
	رفت

رئیس - هیئت عمومی حقنده سوز ایسته ن وارمی ؟ (خایر سسلری)

هاشم بك - اساساً بوماده به احتياج يوقدر .

ماده ۱ - على العموم مقتيلر افتايه مقتدر اوله ميه حق درجه ده عليل و مريض اولدقلىرى فنا ثابت اولمدرجه و يا خود آرزوى ذاتيلر بله تقاعدلرني طلب ايلدكجه معامله تقاعديه دن مستنادر .

بصرى بك - معامله تقاعديه دن مستنادر، تقاعده سوق ايديله من ديلنجه باشقه معناني افاده ايدر . بورايى (مستناطوتيلورلر) ديرسهك شيويه، غايرتدن قورنارمش اولورز .

رئيس - حقيقتاً (معامله تقاعديه دن مستنادر) جمله سى قاريشيقدر . بنده كز برشى تكليف ايديه حكيم تحديد سنه تابع اوله ماز ديلم .

وهي بك (قره سى) - رئيس بك ! تحديد سن اولمقسزىن ده (۶۵) ياشنه كير مكسزىن ده مدت تقاعديه سنى طولديرمش اولانلر بولنه بيلير . و اوله بيلير كه (۶۵) ياشنه كيرمش اولسه دخى تقاعده داخل اولماز . (اوديمكدر سسلرى) آلتش ياشنه كيرمش بر وفق اولور . مدت تقاعديه سنى طولديرمش اولور . تحديد سنه تابع ذكادر . فقط تقاعده سوق ايديله بيلير . يوقسه تحديد سن اوله ماز . طلب ايلدكجه تحديد سنه تابع طولماز . بونك ايچون تقاعده سوق ايديله من ديمك لازم كاير .

رئيس - تقاعده سوق ايديله من ديه جكز اولمازى اقدم ؟ (موافق موافق سسلرى)

ماده ۱ - على العموم مقتيلر افتايه مقتدر اوله ميه حق درجه ده عليل و مريض اولدقلىرى فنا ثابت اولمدرجه و يا خود آرزوى ذاتيلر بله تقاعدلرني طلب ايلدكجه تحديد

سنه تابع اوله ماز و تقاعده سوق ايديله منيلر .

رئيس - اقدم بو ماده يي قبول ايدنلر لطفاً ال قالديرسون . (قبول ايدلى)

ماده ۲ - بو وجهه معلوليتلرني فنا ثابت اولدى الاقتضا معزول اولان مقتيلر حقدده ملكيه تقاعد و ممزويت قانونى موجبنجه معامله اولور .

رئيس - اقدم بو ماده يي قبول ايدنلر لطفاً ال قالديرسون . (قبول ايدلمشدر)

ماده ۳ - اشبو قانون تاريخ نئشردن معتبردر . رئيس - اقدم بو ماده يي قبول ايدنلر لطفاً ال قالديرسون . (قبول ايدلمشدر)

ماده ۴ - اشبو قانونك اجراى احكامنه امور شرعيه و ماليه و كيللرى مأموردر .

رئيس - بو ماده يي قبول ايدنلر لطفاً ال قالديرسون . (قبول ايدلمشدر)

رئيس - اصول مذاكره به دائر امين بكك برتقيرى وار . قانونك مستهجيلته مذاكره سنى تكليف ايدىيور . بو تكليفى قبول ايدنلر لطفاً ال قالديرسون .

صلاح الدين بك (مرسين) - تعيين اسامى لازمدر . (حاجت يوق سسلرى) (كورولتيلر)

وهي بك (قره سى) - اقدم تعيين اسامى به لزوم يوق . بودجه به ضم و تنزيل يوق كه ...

رئيس - قانونك هيئت عمومى سنى قبول ايدنلر لطفاً ال قالديرسون . (قبول ايدلمشدر اقدم)

اقدم اون بش دقيقه تنفس ايتك اوزره جلسه سنى تعطيل ايدىيورم .



آلتمش یدنجی اجماع - ایکنجی جلسہ

رئیس : رئیس ثانی دو قنور عدنان بک افندی

کاتب : کاتب مقامندہ فائق بک (ادرنہ)

۲۷ آگستوس ۳۳۷ - جمعہ ایرتسی

رئیس - جلسہ ہی آچوروم . خیانت وطنیہ قانونک سکزنجی مادہ سنک تعدیلنہ دائر اولان تکلیف قانونی بی مذا کرہ ایدہ جکر .

عدلیہ انجمنی مضبطہ سی ۹ تموز ۳۳۷
خیانت وطنیہ قانونک سکزنجی مادہ سنی معدل مادہ قانونیہ خیانت وطنیہ جرائمندن دولای بدایت محاکمندن صادر اولان مقررانک اضافی بیوک ملت مجلسنک تصدیقنہ وابستہ بولوندی بی ۲۹ نisan ۳۳۶ تاریخلی خیانت وطنیہ قانونک سکزنجی مادہ سی اقصا سندن ایسده ماده مذکورہ نك استثنائی برشکلده تبتیقی قانون مذکورک حین تنظیمده محکمہ تمیزک متشکل اولماسی و مجلسک هنوز کشاد ایدلمسی حسبیلہ برکی موادی تدقیقہ وقتنک مساعدا بولنماسندن نشأت ایتمشدی . اخیراً محکمہ تمیز تشکیل ایدرک ایفای وظیفہ ایتمکده بولنسنہ رکیفیتک بیوتہ ملت مجلسنہ جدہ فرداً فرداً تدقیقی متمسر اولنسنہ بناء بویادکی مقررانک تدقیقنک محکمہ تمیزه تودیعی ومدکور سکزنجی مادہ نك بودارده تعدیلی انجمنمزجه تنسیب ایدلمشدر . آنجق خیانت وطنیہ قانونی برچوق احکام استثنایه بی احتوا ایلکده اولسنہ مبنی محکمہ تمیزجه اجرا قلنہ جق تدقیقہ تدهده بعض خصوصانک استثنائی بر شکلده وضعه لزوم حسن ایدلمش و بوندن دولای برائت و یا عدم مسئولیت قرارلبله وظیفه و صلاحیت کی مقررانک مدعی عمومیلر و یا علاقہ دارلر طرفندن اعطا اولنہ جق تمیز استدعالی اوزرنه بالتدقیق عادیاً نقض و یکیدن بالحاکمہ تحقق ایدہ جنک حاله کوره حکم اعطاسی و حکم اعلامرینک یالککز وظیفه و صلاحیت و تحقیقاتک حکمہ مؤثر اوله جق صورتده نقصانندن ابطال حقی موجب اوله جق صورتده اصول محاکمہ به مغایرتندن و حکمک قانونه مخالفتندن نقض اولنہ بیله جکی خصوصاری ده تصریح قلمش بناء علیه ماده مذکورہ شکل آیدہ تثبیت اولنمشدر :

ماده ۱ - ۲۹ نisan ۳۳۶ تاریخلی خیانت وطنیہ قانونک سکزنجی مادہ سی بروجه آتی تعدیل اولنمشدر :

اشبو قانونه توفیقاً محاکمندن صادر اولان مقررانندن محکومتی منضمن ارانلر رأساً و برائت و یا عدم مسئولیت ایله وظیفه و صلاحیت کی مقررات مدعی عمومیلرک و یا علاقہ دارانک استدعالی بنه محکمہ تمیز جزا دائره سنجه مواد سائر به ترجیحاً تدقیق اولنور . محکمہ تمیز جزا دائره سی احکام و مقررات مذکورہ بی وظیفه و صلاحیتندن و تحقیقاتک حکمہ مؤثر اوله جق صورتده نقصانندن و ابطال حقی موجب اوله جق صورتده اصول محاکمہ به عدم رعایتندن و حکمک قانونه مخالفتندن ناشی عادیاً نقض و او دائره ده ایفای مامله ایتمک اوزره حکمی ورن محکمہ به اعاده ایدر .
نقض قرارلرنه قارشی اصرار جائز دکلدر . محکمہ تمیز جه تصدیق اوله جق مقررانندن یالککز اعدام حکمکی شامل اولانلر بیوک ملت مجلسندن اراده ملیه سی بعد الاستحصال انفاذ اولنور .
ماده ۲ - اشبو قانون تاریخ نشرندن معتبردر .

انجمنمزجه دو غریب دن وغری به اکثریتله تنظیم قنلان اشو لایحه قانونیه مستعجلیت قراریله مذا کره ایدلمک اوزره هیئت عمومی به تکلیف اولنور .

رئیس	مضبطه محرری	کاتب
اسکینسر	سینوب	کنگری
عبدالله عزمی	محمد شوکت	نشئت ناظم
اعضا	اعضا	اعضا
قونیه	نیکده	مجلس طرفندن آیریجه
حقی حامی	حلمی	تشکیل ایدیله جنک انجمنه
	حین اضاذه	ویرلمسنه طرفدار و بنه
	بولنه مدی	علیه شوشکله عاید ازم

آنطالیه
خلیل ابراهیم
خیانت وطنیہ قانونه توفیقاً ویریلن حکم اعلامانک تدقیق و تصدیق محکمہ تمیزه ویرلیدیکی تقدیرده قانونندن بکله نیلن فائده رفع ایدلمش اوله جغندن مجلسنجه منتخب بر هیئته تودیعی موافق اوله جنی مطاعه سیله اشبو قانونه مخالفتم قونیه رفیق

ریدن - افندم ذاتاً ماده دن عبارت بر قانوندر .
 هیئت عمومی سه سله ماده لرایکیسی بر امر مذاکره ایدیله جک .
 سوز آلانلر صره ایله بیورسون .
 شکری بک (قره حصار) - خیانت وطنیه قانونی
 معلوم عالیکز استثنائی بر قانوندر . مجلسک مشروعیته
 عصبانی متضمن رقعوبولاجق حرکتدن دولای مجرمین
 محاکم نظامیه به استثنائی بر صورته ویرلمشدر . خیانت
 وطنیه قانونی قوانین عمریه دواته قوانین موضوعه مزه
 بر چوق نقطه نظر دن تعارض ایتمکده در . احوال
 فوق العاده نك ایجاب ایستدیدیکی بر قانون مجلسمزده
 بوفوق العاده لکی دائماً محافظه ایتمشدر . بوعتبارله استقلال
 محکمه لری یابلشدر . ایچمزدن آردیغمز آرداشلره
 فوق العاده صلاحیت ویرلمشدر . ایوم اولری استخدا
 ایتمکده و بوقدرتی محافظه ایتمکده در . شمدی خیانت
 وطنیه جرمندن دولای محکوم اولان کسانک اوراقی
 محکمه تمیزه تودیعی ایتمک ظن ایدرم دوغری دکلدر .
 محکمه تمیزه هیئت عالی قانونیه در . اوبوتون حکملرک واضع
 قانونک مقصدی دائره سنده و قانون دائره سنده چیقماسنه
 دقت ایدر و او دائره ده حکملرک چیقماسنی هدف اتخاذ
 ایدر . حالوکه بز بوراده بعضاً ملکتک بو کونکی ایچنده
 بولدیغی انقلابی کندمزه کوره یوروتلک ایچون بردستور
 اتخاذ ایتمش . و او دائره داخنده خدمت و حرکت
 ایدیوروز و اونک ایجاباتی اولاروق مثلاً استقلال محکمه لری
 یاییوروز نصل اولورده بز بو صلاحیتی طوغرضدن دوغری به
 واضع قانونک مقصدی هدف اتخاذ ایدن محکمه تمیزه
 ویره بیلیرز ؟ حالوکه بوراده برده سیاست واردر . محکمه لره
 سیاست کیرمزه . بز محکمه تمیزه سیاسته اشتراک ایستدیرمش
 اولورسه ق ملکتمزده عدلیه منری قالدیرمش اولوروز .
 سیاستک محکمه به کیردیکی کون عدلیه نك بولدیکی کوندر .
 بناء علیه بنده کز بو صلاحیتک محکمه تمیزه
 ویرلمه سنه قطعاً طرفدار دکلم . آنجق شونی ده اعتراف
 ایدرم که بوکاده سائق اولان احوالده واردر و هر کون تجلی
 ایتمکده در . هیئت علیه کز دوغرضدن دوغری به صلاحیتدار
 اولدیغی حاله بونی یکان یکان تدقیق و تصدیق ایتمک امکانی

تعمیر کور بیوروز . نه اولاییلیر ؟ ایچمزدن آردیغمز اوج
 آرداشله ویردیگمز بتون صلاحیتلره بناء استقلال
 محکمه لر بئک بلا تصدیق و برمش اولدقلری حکم انفاذ
 ایدیلور . بناء علیه طرفکزدن انتخاب ایدیلن عدلیه
 انجمننده کی آرداشلر یکرده بو وظیفه بی تحمیل ایده بیلیرسکز .
 یا حود اوننی یا نماز سه کز ایچکزدن آریله جق صاحب
 اختصاص بر انجمن مخصوصه بونلر تدقیق ایدیله بیلیر .
 چونکه مجلس عالی نك نقطه نظری ؛ الکی بیان آرداشلردر .
 محکمه تمیز بونلره لایق اولدیغی وجهله انفاذ نظر ایدمه منظر
 ایدرم . بونک ایچون بوقانونک هیئت عمومی سنک ردی ایله
 شمدی تقدیم ایده جکم نقر و جهله بر انجمنه ویرلمش
 تکلیف ایدرم . نسه کیم استقلال محکمه لرنده اوج
 آرداشلمزه بونی تودیعی ایدوب طورورکن و اونلر
 اوصورتله اجرای احکام ایدوب طورورکن اون بش کیشیلک
 بر انجمن مخصوص تشکل ایدوب بونلری ویرمه مک
 ظن ایدرم دوغرض اوله نماز . یا عدلیه انجمنه ویریلور و یا خود
 ایچمزدن صاحب اختصاص اولان آرداشلردن اون بش
 کیشیلک بر انجمن آریلور او انجمن ده یا تصدیق ایدیلور
 و یارد ایدیلور ؛ ایجاب قانونیسنه کوره معامله یاییلور که
 بودها موافق اولور .

حسببک (مرعش) - بورانه تکلیف صاحبی
 واری ؟ کیمسه یوق غالباً .

علی سروری افندی (قره حصار) - تکلیف ایدن
 آرداشلردن کیمسه یوق ظن ایدیورم . شکری بک
 برادر من کی انجمنک اقلیت رأیی تشکیل ایدنلرک اهنده
 بولنه جقم . بر کره انجمن بولایحکمه تکلیفند ایکی سبب
 کوستریور . بریسی بوقانون قبول ایدلرکی زمان محکمه تمیزک
 متشکل اولمه سی . ایکنه جسی مجلسک بو کی سائلی تدقیقنه وقتک
 مساعد بولنه سی . بنده کز بو ایکی سببک ایکسیسی ده وارد کور
 میورم . واضع قانون اولان مجلس عالی کز قطعاً بویه بر سبب
 تصور ایتمه مشدر . ضبط نامه لره بویه شی بوقدر و اساساً
 بوسبیلر غیر معقول و غیر وارددر . چونکه محکمه تمیزک
 اوزمان متشکل اولماسی عجیب بو کی حکملرک عدلیه انجمنجه
 تدقیقنه بر سائق حقیق اوله بیلیرمی ؟ بوقدر جنائی حکملر

وارد . اونلر بوراوسق بر اقلدینی خالده نهدن عجبیاالکیر
 بونلر عدلیه انجمنه آئینوردی . بوالبتده مقبول بر سؤالدر .
 ایکنه جیسی : مجلسک زمانی مساعددکل ایمش ؟ افندیلر !
 حقوقاً ومصالحاً وظیفه سی داخلنده اولیان برایشی تمیز
 دأرهنه کوردیرمک موافق اوله بیلیرمی ؟ هیچ موافق
 دکلدرد . بونلر بویله معلوم اولدقد نصکره
 محکمه تمیزه حق تدقیق ویرمک موافقمیدر ،
 دکلیدر ؟ بنده کرجسه موافق دکلدرد . چونکه احکام
 سائرمنک تمیز و تدقیقه خیانت وطنیه حکملرینک مجلس
 عالیجه تدقیق و تحقیقه بیوک برفرق وارددر . اوده حاصل
 اولان ادله نیک درجه قوتنک تمیزین و تقدیریدر . چونکه
 معلوم عالیکنر محکمه تمیزده بو حق تقدیر یوقدر . یعنی
 حکمی ویره محکمه نیک ادله نیک درجه قوتنی تمیزین و تقدیر
 خصه و صنده کی حقه محکمه تمیز هیچ بر وقت مداخله
 ایده مز . اگر محلی محکمه سی ادله نی کافی کورمش ایسه
 ادله ایچون محکمه تمیز بو غیر کافیدر دیه مز . حالوکه
 خیانت وطنیه حکملرینک تمیزنده مجلس عالیکنر بو حقه
 مالکندر . و روح مسئله ده بوز . بناء علیه عدلیه انجمنی
 بو حق تدقیق محکمه تمیزه ویرمکی تنسیب ایدرکن حق
 تقریری ده برابر ویرمک ایسته ایدی بلکه بدرجه به قدرشایان
 قبول اوله بیلیردی . مع مانیه بعض عرض ایده حکم
 محدودلر وارددر . انجمن محکمه تمیزک انشای تدقیقنده
 نه کی شیلردن طولانی حکملری نقض ایده بیله جکنی بعض
 شیلر ایستنا ایده رک سویلدور . اونلر بیسود بر یازی
 قارالسییدر . محکمه تمیزه مجلس عالی عرض ایتدیکم
 حق تقدیری ویره جک اولورسه اولور . چونکه محکمه
 تمیز هیئت اوته دبری تدقیقات سائرده کندیلرینک آلمش
 اولدقلری اصول و طادات نه ایسه اونک خارجه چیقاداز .
 خیانت وطنیه جرملری معلوم عالیکنر مجلسک تشکیلدن
 سوکره وصف جریمت المشدرد . یعنی فوق العاده بر جرمندر .
 عدلیه نیک تمیز قسمنده ، تمیز محکمه سنده رؤیتنه لزوم
 نکوستریلدور . اساساً بونلر محکمه تمیزه کیده جک اولورسه
 کافه سی منفوضدر . چونکه بدایت محاکمی جنابتی رؤیتنه
 صلاحیتدار دکلدرد . اونلر یالکنر مجازات تأدیبه نی

اصولی دأرهنده محاکمه ایده بیلیر وارکا کوره حکم
 ویره بیلیرلر . مجازات ترهیدیه نی استلزام ایدن محاکمی
 رؤیتنه مأذون دکلدرد . شمعی بزم فوق العاده اوله ق
 اصول خلافنه ویره جکمز یالکنر بر مأذونیت و صلاحیتنه
 بو مسئله نی محکمه تمیزه ینه اعطا ایده مز . اول امرده
 اصول محاکمات جزائییه قانوننک بر جوق موادنی تعدیل ایتمکلمز
 لازمکلیر . اصول واشکالک دخی فوق العاده اولسی اقتضایدر .
 مجلسدن آیرجه تشکل ایده جک بر انجمنه ویرمک موافقدرد .
 اگر عدلیه انجمننک حقیقه کندی مشاغل حاضره سی
 بوکامساعد دکل ایسه مجلس عالیدن ناصل شورای دولت
 مقامنه قائم بر هیئت تشکل ایتدی ایسه اوله بر هیئت تشکیل
 اولنهرق هیئت عمومیه به اوضامامق شرطیله حق تدقیق
 اجرا ایدر . ویره جکی قرار محکمه اجرا اولوز . ک
 موافق اصول بوزدر . شکرکی بک برادرمنکده ذاتاً مقصدلری
 بودر . تشکیل اولنهرق انجمننک قاچ کشیدن عبارت
 اوله جنی مجلس عالی نیک بیله جکی بر مسئله در . فقط
 شورای دولت مقامنه قائم اولق اوزره تشکیل اولنان
 هیئت حالا ظن ایدرم انقاد ایدوبنده ایضای وظیفه به
 باشلاماشدر . اعضانک اوقدر چوق اولسنده محسنات
 یوقدر . بنده کز بش کیشی اولسنی کافی کورویورم .
 صدق بک (ملاطیه) — بو خیانت وطنیه قانونی
 بزاحوال فوق العاده قارشیننده تنظیم ایتدک . چونکه مجلسک
 مشروعیتی حقیقنده وعلیهنده اولهرق اذهان عمومیه
 تغایط ایدیلور ، بعض کیسه لر مجلس علیه بر طاق
 تشبانه بولنیورلردی . بو تشبانه اوکی آلق ایچون ،
 فوق العاده بر قانونه لزوم کورولدی . بوندن دولانی
 بو قانونی هیئت علیه کز تنظیم ایتدی ، ترتیب ایتدی .
 بر خیانت وطنیه جرمی جرائم سیاسیهدندر . بوفوق العاده
 جرائم سیاسیه ایچون وضع ایتدیکنر مواد قانونیه ده
 فوق العاده در . شمعی بزبونی بر اصول قانونیه به ارجاع
 ایتک ایستوروز . طبقات محاکمکن صلاحیت دأرهنده
 صدور ایتش احکام کی بونلری ده درجه منتهای قانونی اولان
 اصول محاکمات جزائییه تعدیل ایدلمکجه دوعریدن
 دوعرییه بو حکملری محکمه تمیزه سوق ایتک کولونج

اولور . چونکه بر طرفي مخالف قانون ديگر طرفي موافق قانون، قارمه قاريشيق على المجانب بر شکل آير . شمدي بوسلاحيق ويردك بدايت محكمه لرينه ، بك اعلا بدايت محكمه سي اكر يالكز برخيانت وطنيه اعتباريله بوسلاحيق حائر اوله جقسه ديمك كه اعصاسي تامدر . جراثم سائرده دخي عيني صورتله جنائتي رؤيته مآذوندر . صكره مسائل جنائيه هيئت اتهاميه دن كچه جك بونلر ك هيچ بريسي هيئت اتهاميه اوغراميور . بر كره قانونك هيئت اتهاميه بمخني تعديل ايدملك لازمدر ؟ او تعديل ايديله جك ... شوخالده بزم طرفزدن شمدي بويله فوق العاده ويريلن حكملر صرف احكام سياسيهدندر ، احكام قانونيه دن دكلدر . سياسي اولان احكام قانوني بي بر محكمه يه سوق ايتك صورتيله تدوير ايتكده دخي دوغرولق بوقدر . شوخالده بو جراثم سياسيه نك مرجع تدقيقي بيه مطلقا بو مجلس مآلدر . چونكه قانونه توافقي ايدره ك حكم ويرر ويا خود قانينه توافقي ايتيره ك قناعت وجدانيه اوزرينه حكم ويرر . بز شمدي به قدر بوراده بر چوق احكامي تصديق ايتدك . ياپديغمز تصديق ؛ يالكز بزه مسائلك مباديه سي اوزرندن بر معلومات ابتدائيه قيلندن اوله رق فقره حكيميه بي اوقوتيورز . صكره بوققره حكيميه اوزرينه بر قناعت حاصل ايديورز . فقره حكيميه ده شهودك شهادتي ؟ .. دييور . . حالبوكه بز شهودك شهادتي اوزرينه هيچ اعمال فكر ايتمه مشزدر . بونلر يالكز انجمنجه تدقيق ايديلير . اكر انجمنك تدقيقي كافي ايسه بوراده حكمي تصديق ايتلدر . يكي دن نه دن تدقيق اولونيور . وسته بوراده نه به تكرار موضوع بحث اوليور و بو نه دن لزوم كوريلبو ؟ يوق ، انجمنك تدقيقي ده كافي ده ده عالي تدقيقات يايق ايسه بورسوق ؛ شوخالده بوني بويله اولده كي محاكم عموميه يه سوق ايتك صورتيله واونلر كده قانونه توافقي ايتيه ين اصول لرينه ترك ايتمكدن ، ارجاع ايتمكدن ايسه مادام كه بودوغري دن دوغري به مجلسه مآنددر . مجلس يار هيئت تدقيقه تشكيل ايدر و بونلر او هيئت تدقيقه ده تدقيق ايديلير ؛ صوكره بزه كلير تصديق ايدر ز ويا خود دوغري دن دوغري به او هيئت تدقيقه يه بر صلاحيت

كامله ويريرز اوزلر تدقيق ايدر ، موافقدن ديرلر ، چيقار كيدر . فقط بو هيئت تدقيقه نك تصديق ايجون درجه كانه ده بر چوق مسائل مهمه وارددر كه سياستك بورا به اوغرامسي لازمدر بهمه حال اعدام جزالري مجلسك تصديقه اقرار ايتدون دنيلور . شوخالده : جزانك بيوكي ، كوچوكي اولماز ؛ كافه نك بويله بر انجمن دن تدقيق دن صوكره مجلسك ده تصديقه اقرار ايتسي شرطدر . . چونكه بر چوق مسائل سياسيه ظهور ايدر كه ايلريده مجلس صلاحيتني او تدقيق قوميسيونته خواله ايدره ؛ مجلسك تدقيق صلاحيتني قالمز . . اوزمان وبال مجلسك اوزرنده ، صلاحيت ديكرينك ائده اولور . .

محمدشكري بك (قره حصار) = استقلال محكمه لري
 ندر ؟ . .

صدقي بك (ملاطيه) (دوامله) — بونك عكسي
 خلاف القياسدر . .

محمدشكري بك — عيني اسباب بندر . .
 صدقي بك (دوامله) — عيني اسباب اولماز . .
 جراثم مختلفه يه قارشي هيئتك تدقيق بهمه حال لازمدر .
 هيئتجه تدقيق ايدلرزه وبال بزه ، صلاحيت باشقه سنده قالمش اولور .

مؤسي كاظم افندي (قونيه) — افندم عدليه انجمنك خيانت وطنيه جرم نك تدقيقي حقنده كي ماده قانونيه بي تنظيم ايتمكدن مقصدي ، دوغرون دوغري به كندني آرزوسيله و كندني حركتيله دكلدر . . مجلس هاليك احساس ايتديكي بر قناعتله در . رفقان برينك ويرديكي بر تقريرله در كه بز بو حكمي آكلامشديق . اوراق او قونسون ، اوراقك مندرجاتنه اطلاع كسب ايدلسون . حكم اعدامي ، حق اوچ سنه لك حكمي بيله تصديق ايدمه ميز كي بر آرزو ايله اوراقك مذاكره سي تاخير ايدلدي . محكمه تميزده تدقيق ايدملك اوزره تقرير ويريله رك هيئت عموميه ده تصويب ايدلدي و عدليه انجمنده شوشكلي ماده قانونيه ايله تثبيت ايتدي . خيانت وطنيه جرم لري في مابعد محكمه تميزجه متخذ مقرر ايتك بعضيسنده استثنا ايدملكه برابر اساس اعتباريله تدقيقي و محكمه تميزه

ویرسنه دائر بر ماده قانونیه تنظیم ایتدک. آرقداشلر مزک
اعتراضاتی ایکی نقطه بی احتوا ایدیور. بری خیانت وطنیه
قانونی فوق العاده بر احتیاجدن متولددر. مجلسک مشر و عیتنه
مخالفی متضمن جرائم مخصوصدر. بناءً علیه بونک تدقیقی
مجلسجه لازمدر. محکمه تمیز احکام عادیه قوانین ایله
مقیددر، بو اوله ماز دنیور. برکا عظم ابرمیور. مجلس
طالی خیانت وطنیه قانونی تنظیم ایتمش، حده دینی تثبیت ایتمش
و خیانت وطنیه جرم لری بدایت محکمه سنه ویرمش.
اصول محاکمات جزائیة قانونی دائره سنده محاکمه سی جریان
ایدیور. یعنی آره سنده نه فرق وار؟ خیانت وطنیه دعا و ایسنک
محکمه تمیزه کیتمسی آره سنده کی فرق خیانت وطنیه
جرائمک قسم کلیسی جنایت اولدینی حالده جنایت
محکمه سنده محکمه سی اجرا ایدیلوب بدایت محکمه سنده
محاکمه ایدلسننده. بوقسه اصول اعتباریله شاهدک جلب
و استماعی و او جرمه ترتب ایده جک جزانک ویرلمسی
اعتباریله بدایت محکمه سی بر فوق العاده لک یا پامدینی ایچون
مجلس عالیگز جه اوراتی تدقیق ایتمک و اوکا کوره حکم لری
تصدیق ایتمک مجبوریتند سکز. احوال نه قدر فوق العاده
اولورسه اولسون هر حالده بر شخصه، بر مظلونه ویریله جک
حکمه او جرمک یعنی جزاسی ویرمک و او جرمک ثبوت و
عدم ثبوتنه دقت ایتمک لازم، لاید، واجبدر. محکمه تمیزده
بر هیئت متخصصه در. بناءً علیه هر زمان وظیفه لری
و مسلک لری اعتباریله ده ای تدقیق ایده بیلر لر. تصدیق
و نقض ایتدیکی حکم لرده اصابت یوزده سکسان، یوزده
طقسان اولور. بتون قهر طایفه اورا قک تدقیقه امکان
یوقدر و امکان قانونی ده موجود دکدر. حالبوکه مجلسدن
منتخب بر هیئته خیانت وطنیه اورا قک تدقیقک حواله سی
دوغری دکدر. بنده کنز جه مجلس اعضا لری شو و یا بو وظیفه یه،
شو و یا بو قومدیسونه انتخاب ایتمک، شو و یا بو ایشلاره
اونلری مشغول ایتمک مجلسک حیثیتیه متناسب دکدر.
أوت، استقلال محکمه لری وار. أوت، بو فوق العاده در.
فقط خیانت وطنیه نک تدقیق ایچون بر هیئت، شورای
دولت ایچون بر هیئت، دیگر شی ایچون بر هیئت؛
صوکر او هیئت لری باشقه شبله اشغال ایده میز. مجلسه

استراکرنده برهنا قالماز. مجلسک اصل وظیفه سی فلجه
اوغرار. مساعیسی ضعفه اوغرار. مجلس هر شیدن
میرا بر حالده آتیق وظیفه اصلیه ایله مشغول اولسی کی
اوغراشمسی ده انقعدر. بناءً علیه بو ماده نک قبولی تکلیف
ایدیوروم.

محمد شکری بک (قره حصار) — انجمن نامنه سی
سویلیور سکز؛ انجمن نامنه سویله یوزده کر برشی صورتجه
علی سروری اقدی (قره حصار شرقی) — حق
تقدیر معلوم تالیکز محکمه تمیزده یوقدر. شمده یوق
محکمه تمیزه ویریله جکی، ویریله جکی؟ بو خصوصه
انجمنک نقطه نظری نه دن عبارتدر؟ انجمنک نقطه نظری
مجلس عالیجه تدقیقده میدر؟ جان نقطه سی یوراسیدر.
جرم ایله جزا بیننده بر نسبت عادلانه بولمقی اصلدر. بو
بالجمله ملترجه قبول ایدلشددر. احکام شرعیه مزده بونی
قبول ایتمشددر. بو؛ اساسدر. بو اساسدن تبعاً ایتمک
اولماز. خیانت وطنیه قانونی تنظیم ایدیلر کن تدقیقی
مجلسه آلمشمیدر؟ جرم ایله جزا بیننده کی نسبت عادلانه
مجلسک کوز تمیزکنه دائر بر قید یوقدر.

شکری بک (قره حصار صاحب) — شمده اقدم
خیانت وطنیه قانونک بر ماده سنده بر جمله وارددر دییور که:
مجلس ویریلن حکمی موافق کورمنزه رفع ایده بیلر.
یاخود آریجه بر حکم ویره بیلر. بناءً علیه مجلس حکمی
رفع ایتمک قدرتی حائزدر. محکمه نک ویرمش اولدینی
حکمک فوقنده، یاخود دوندنده بر حکم ویرمک صلاحیتی
حائزدر. بو صلاحیتی محکمه تمیزه بو کونکی اصول
موضوعه قانونیه دائره سنده ویره بیلر میسکز؟ مجلسک شو
اقلاب آواننده تمقیب ایتمش اولدینی بر پرنسیب وارددر.
او پرنسیبه محکمه تمیزی تبعیت ایتدیره بیلر میسکز؟
اگر ایتدیرسه کنز او کون عدلیه جیلدی، قانونی، عدالتی
أولدر دیکمز کونددر. کچن کون بر فرمک بر مجلس علمنده
و یاخود مجلس ریسنک علمنده بولنش بر پایاسک اوراتی
اوقوندی. مجلس در حال غایانه کلشدی. بو غیلان ملی ایچنده
احساسی لازم کلیر دییه دوشوندک. محکمه تمیزه کیده جک
اولورسه محکمه بونی بر جرح قدر بیله عد ایتمز.

بصرى بك (قره سى) — رفقای محترمه دن بصیرلی قانونلری ایکیه آیردیلر. فوق العاده قانونلر ، علی العاده قانونلر .. بنجه قانونک علی العاده سی یا خود فوق العاده سی یوقدر . قانون قانوندر . مجلسه مکز چیتاردیجی خیانت وطنیه قانونی حقوقیلرک و محکمه جیلرک اوتهدنبری تعقیب ایتدکلری واسمه قانون دیدکلری جزا قرانامه سندن جوق قوتلی در ماهیت اصلیه سنه ، تعریفنه کوره حقیقی قانون آرامق ایجاب ایدر سه ظن ایدر سه م حقیقی قانونلر آراسنده خیانت وطنیه قانونی مهم بر موقع اشغال ایدر . خیانت وطنیه قانونی سیاسی بر قانوندر دیدیلر. حالبوکه تطبیق ایتدکلر اولدیغمز جزا قانوننده اکر قانون دیمک صحیح ایدر دولتک امنیت داخلیه سنی اخلال کبی سیاست ماهیتی عرض ایدن بر جوق ماده لر واردر. اساساً یونی بویه دوشونمکه حاجته یوقدر محاکم .. جرائم سیاسیه ایله خیانت وطنیه ایله بالفعل مشغولدر . و حکم لری ویرمکده در. ویریلن حکم لرک تدقیق مرجعی ده محاکمک منتهاسی اولان محکمه تمیز اولمق قطعاً لازمدر . شکری بک خیانت وطنیه قانونک واضی مجاسدر ، بناء علیه بونک تطبیقنه مجلس مأمور اولورسه این اولور ، بیوردیلر. یا لکز خیانت وطنیه قانونک دکل بتون قوانینک واضی مجاسلر اولسی لازمدر .

شکری بک (قره حصار) — بنده کز بویه برشی سویله مدم . بصرى بك (قره سى) — قوانینی چیقاران مجلس اولوقوانینک خیانت وطنیه قانونک تطبیقاتیله ده مشغول اولوبیلیر . حالبوکه موسی کاظم افندی حضرتلرینک بیوردکلری کبی مجلس خیانت وطنیه نک و خیانت وطنیه ایله ده علاقه دار اولان جرمک حدودینی تعیین ایتش ، تحدید ایتش بودائره ده حرکت اولنسی ایچون بر قانون وضع ایتشدر . بناء علیه محکمه تمیز بو حدود دائره سنده حرکت ایتدکلر مکلف اوله جغنه نظراً محکمه تمیزک بو حرکتنه سیاستله اشتغال ایدوب ایتدیجی ظن ایدرم که موضوع بحث دکلدر . اساساً جرم جرمدر و سیاست ایله اشتغال ایتک جائز دکلدر دینیلر سه و بو جرائم سیاست اوله رق قبول ایدیلر سه محاکم ابتدائیه بو سیاستله مشغولدر .

افندیلر! کور بیورز که یلردنبری مجلسک مذاکره ایسته سی خیانت وطنیه قولکسیونی اولدی . مجلس مسائل سائرّه اصلیه بی براقدرق بو قولکسیونلری قاریشیدر مقله اشتغال ایدیور . حالبوکه اعتراف ایدم که کمال دقتله قاریشیدر میوروز . عدلیه انجمنی نه قرار ویرر سه او قراری دیکله دکلر و بعضاً فقره حکمیه لری او قوندقن سکره بوراده تصدیق معامله سنی اجرا ایتدکلر باشقه برشی یا پیوروز . اساساً مجلس بوقدر یابار . چونکه مجلسک وظائف اصلیه سی خیانت وطنیه مسائلک جوق فوقنده و بشقه ماهیتده در . شکری بک خیانت وطنیه ایله اشتغال ایتک اوزره بر هیئت تشکیلی لرومندن بحث ایتدیلر . افندیلر! فعلیاتی کوز او کونه کتیررک دوشونیر سه ک نه درجه یه قدر مثر فعالیت واجرات چیقه جغنی آکلارزه . اکر مجلس ملی دکلدر ، محکمه در . دیر ایه سک او وقت خیانت وطنیه اورا قنی تدقیق ایچون بر هیئت تقریق ایدم . یوق مجلسک ماهیتی بویه دکلر خیانت وطنیه مسائلی مجلسک بنامی ایچروسنه کیره مز و کیرمه مه سی لازمدر . دمن محمد شکری بک افندی بر یاپاس مسئله سندن طولانی حاصل اولان غلیان دن بحث ایتدیلر . افندیلر! بز اوتهدنبری برشیته تشنه ز . قانون دوری بر آن اول حکمک آرزو ایدیلور سه هر حالده یوقانون ایله داها زیاده علاقه دار اولان ، متخصص اولان مرجعلرینه ایشی تودیع ایتک ضروریدر . بناء علیه هر هانکی قنده دن تدقیق ایدیلور سه ایدیلسون مجلسک ماهیت حقیقیه سیله متناسب اولیان خیانت وطنیه مسائلک مجلس خارجنده تدقیق ایدلمسی لازم کلدیجی آکلشیلور . بندکزک آکلدیغمه کوره محاکمک منتهاسی اولان محکمه تمیزدر . بز خیانت وطنیه مسائلی کبی فرعی مسائل ایله مشغول اوله جغمه ز اصل مهم مسئله لرله مشغول اولم . بونلری ده حائذ اولدیجی لرله تودیع ایدم . تا که غلیان ایله دکل حقیقی بر قانون ایله مملکتده قانون دوری باشلاسون . رئیس — سوز آلمش براقچ آرقداش ده وار . موافق کور بیور سه کز کله جک اجتماع براقم . بازار ایتسی کرنی اجتماع ایتک اوزره جاسه بی تعطیل ایدیورم . جلسه نک ختامی : ساعت ۶